

Loke Aruba mester awo:

Un comision di berdad p'e aparato publico

(Articulo 5 den serie di 5)

ARUBA no tin mester di un otro nota di maneho of un comision mas yen di bon intencion. Loke e pais mester urgentemente ta un investigacion profundo, completo y factual di henter e aparato gubernamental. **Sin sconde tras di estructura of sistemanan vago, pero concreto:** Number pa number, funcion pa funcion, cu diploma y cualificacionnan riba mesa. Ken ta ocupa cual posicion, a base di kico, y cu cual legitimidad?

E realidad ta cu gran parti di e aparato publico no ta funciona manera mester ta. E hecho cu funcionarionan publico ta opone nan mes abiertamente contra maneho nobo of ta mete den nombracionnan politico, no ta un incidente. E ta e resultado di añanan largo di clientelismo politico-partidista, den cual gobierno a wordo transforma den un mashin di trabou. Lealtad na un partido tabata pisa mas cu competencia. Funcionnan no tabata wordo asigna a base di merito, sino reparti como favor politico.

E rapport di conseho tocante Directie Cultuur Aruba (DCA), ehecuta pa SQS Consultancy & Research, ta expone esaki dolorosamente. 56% di e personal a resulta di no ta cualifica. Algun empleado no tabatin ni un diploma. Funcionnan a wordo traha na midi p'esnan cu mester a wordo "hinca paden". Proceduranan



Adviesnota:

Ondersteunend Onderzoek naar het Optimaal Functioneren van de DCA.

In opdracht van de Minister van Cultuur
Oktober, 2021

oficial di reclutamento a wordo ignora. Evaluacionnan tabata falta por completo.

Ken cu pensa cu esaki ta solamente un excepcion na DCA, ta ekiboca. Esaki no ta un incidente — esaki ta un spiel di con gobierno ta opera den henter su dimension. **Enseñansa, cuido, infraestructura, supervision:** Tur caminda nos ta mira e mesun logica. E estado como vehiculo di recompensa politico, e aparato publico como un extension di structuranan di partido.

Unda DRH tabata?

Precisamente den henter e situacion aki, un pregunta crucial ta lanta: Unda Departamento di Recursionan Humano (DRH) tabata? Como e servicio central responsabel pa maneho di personal, nombracion y proceduranan di reclutamento, DRH lo mester hunga un rol clave den vigila integridad y calidad.

- Nan tabata sa cu esaki tabata pasando?
- Nan a opone e nombracionnan politico?
- Of nan mes a keda lora den e mesun red di parcialidad?

Ora hasta un servicio cu ta supone di garantiza obhetividad y profesionalismo ta bira cara of participa, e pregunta ta lanta: Kico ta nan balor agrega? A cambia honestidad pa lealtad politico? Y e nombracionnan dentro di DRH mes ta puro, of djis un refleho di e mesun problema?

Si DRH no tin e independencia pa coregi e mal practicanan, e ora ey e servicio aki no ta contribui na e solucion, sino e ta parti di e problema.

Ex-minister Xiomara Maduro recientemente a declara: “E investigacion pa mehoracion na DCA ya ta andando; awo e minister nobo Mike Eman por implementa e cambionan necesario.” **Pero e pregunta cu comunidad ta haci ta cla:** No solamente wak bek, pero actua awo. E problema aki ta extende riba e gabinetenan di e ultimo tres ministernan, y cada bes no a sosode nada substancial. E tempo di rapport y excusa a pasa.

E pais no ta pidi pa palabra, sino pa accion.